



Broj:
Sarajevo, 19.06.2023. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

PRIMLJENO: 19-06-2023			
Organizaciona jedinica	Klasifikaciona oznaka	Redni broj	Broj prijava
01-	50-1-	1367/23	

Na osnovu člana 166. i 170. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20 i 53/22), podnosim

POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da dostavi u parlamentarnu proceduru Prijedlog zakona o sprečavanju nezakonitog govora mržnje na internetu, nakon što je Evropska unija u međuvremenu usvojila uredbe koje se odnose na ovu oblast, čime su stvoreni uslovi da Radna grupa za izradu Zakona o sprečavanju nezakonitog govora mržnje na internetu koja je formirana 16.04.2021. godine okonča svoj posao.

Obrazloženje

Predstavnički dom Parlamentarne skupštine BiH je na 14. sjednici održanoj 09.12.2020. godine usvojio poslaničku inicijativu, čiji sam bio predlagač, a kojom se „zadužuje Vijeće ministara BiH da sačini i uputi u parlamentarnu proceduru *lex specialis* Prijedlog zakona o sprečavanju nezakonitog govora mržnje na internetu, koji će biti usklađen sa sudskom praksom Evropskog suda za ljudska prava, preporukama Vijeća Evrope, pravnom stečevinom EU i sa uspješnim praksama zemalja EU koje su zakonski uredile ovo područje.“

Vijeće ministara BiH je na 23. sjednici održanoj 29.12.2020. godine zadužilo Ministarstvo pravde da, u saradnji sa Ministarstvom komunikacija i prometa i Ministarstvom za ljudska prava i izbjeglice, postupi po predmetnoj inicijativi. Rješenjem ministra pravde BiH broj: 06-07-25-928/21 od 16.04.2021. godine uspostavljena je Radna grupa za izradu Zakona o sprečavanju nezakonitog govora mržnje na internetu. Radna grupa je privremeno obustavila aktivnosti na izradi ovog Zakona dok se ne usvoje odgovarajuće uredbe EU koje će regulisati pitanje nezakonitog sadržaja na internetu, a time i govor mržnje na internetu, s obzirom da nije preporučljivo da se ovo pitanje različito reguliše u svakoj državi.

U međuvremenu, 01.11.2022. godine stupio je na snagu Akt o digitalnim tržištima, a 16.11.2022. godine i Akt o digitalnim uslugama. Ovim je Evropska unija donijela uredbe koje se odnose na suzbijanje nezakonitog sadržaja na internetu i ublažavanje drugih šteta na internetu, te na zaštitu prava i sigurnosti svih korisnika. To znači da je ispunjen uslov koji je Radna grupa tražila, a to je stupanje na snagu Akta o digitalnim tržištima i Akta o digitalnim uslugama, što znači da Radna grupa može nastaviti svoj posao u punom kapacitetu, s obzirom da sada imamo jasno zakonodavstvo EU koje se odnosi na regulisanje ove oblasti.

Dr. Denis Zvizdić